



## Հետազոտական աշխատանք

<p>Կազմակերպության տվյալներ</p> <ul style="list-style-type: none"> <li>• Անվանում, հասցե</li> <li>• Տնօրեն</li> <li>• Էլ. հասցե</li> <li>• Հեռախոս</li> </ul>	<p>«Մասնակցային դպրոց» կրթական հիմնադրամ Վահրամ Սողոմոնյան <a href="mailto:masnakcayindproc@gmail.com">masnakcayindproc@gmail.com</a> +37493581908</p>
<p>Հետազոտության թեմա/վերնագիր</p> <ul style="list-style-type: none"> <li>• Հետազոտության թեմա</li> </ul>	<p>Գործնական աշխատանքների դերը ձևավորող գնահատման գործում աշխարհագրության դասերին</p>
<p>Ուսուցչի տվյալներ</p> <ul style="list-style-type: none"> <li>• Անուն, ազգանուն, հայրանուն</li> <li>• Մասնագիտություն</li> <li>• Հեռախոս</li> <li>• Էլ. հասցե</li> <li>• Դասավանդվող առարկաներ</li> <li>• Դասարաններ</li> </ul>	<p>Գայանե Ալավերդյան Սուրենի Մանկավարժ +374 43 10 13 22 <a href="mailto:gayaneal272@gmail.com">gayaneal272@gmail.com</a> Աշխարհագրություն, բնագիտություն 5-12-րդ դասարաններ</p>
<p>Ուսումնական հաստատության տվյալներ</p> <ul style="list-style-type: none"> <li>• Անվանումը, հասցե</li> <li>• Հեռախոս</li> <li>• Էլ. հասցե (տնօրենության)</li> <li>• Web կայքի հասցե</li> </ul>	<p>Կոտայքի մարզ, Կամարիսի Ազատ Սիմոնյանի անվան միջնակարգ դպրոց 094 41 18 01 <a href="mailto:kamaris@schools.am">kamaris@schools.am</a></p>

Բովանդակություն

Ներածություն

-----	<b>3</b>	<b>3</b>
<b>1. Գործնական</b>		աշխատանքի
կարևորությունը-----	<b>4</b>	
<b>2. Գործնական աշխատանքի կարևորությունը որպես ձևավորող գնահատում-----</b>	<b>8</b>	
<b>3. Աշխարհագրության</b>	<b>դասավանդման</b>	<b>գործում</b>
<b>անհրաժեշտությունը-----</b>	<b>14</b>	<b>և</b>
<b>Եզրակացություններ,</b>		
<b>առաջարկություններ-----</b>	<b>16</b>	
<b>5</b>		
<b>Օգտագործված</b>		<b>գրականության</b>
<b>ցանկ-----</b>	<b>18</b>	<b>6</b>
		<b>7</b>

<p>Նպատակը եւ հետազոտական հարցը</p>	<p>Ուսումնասիրության նպատակն է գործնական աշխատանքների դերը աշխարհագրության դասերին:</p> <p>Հարց: Որքանով են նպաստում գործնական աշխատանքները ձևավորող գնահատմանը աշխարհագրության դասերին միջին դպրոցում (նյութը ներկայացվում է Կամարիսի միջնակարգ դպրոցի օրինակով):</p>
<p>Ո՞ր առանցքային կոմպետենցիային/կարողունակությանն է ուղղված նպատակի ուսումնասիրությունը</p>	<p>Ղեկավարող գրագիտություն և կարողունակություն սովորել սովորելու կարողունակություն ինքնաբերական և սոցիալական կարողունակություն</p>
<p>Հետազոտության թիրախային խումբը և շրջանակը /ֆանակ, սեռային բաշխում/</p>	<p>6-9-րդ դասարան Տղա՝ 44 Աղջիկ՝ 51</p>
<p>Օգտագործված հետազոտական մեթոդները, գործիքները (օրինակ՝ ֆանական հետազոտություն՝ հարցաթերթիկի միջոցով, որակական հետազոտություն՝ խորին հարցազրույցի միջոցով եւ այլն)</p>	<p>Որակական մեթոդ, դիտարկման մեթոդ</p>
<p>Հետազոտության իրականացման ժամանակահատվածը</p>	<p>2023 թ. Իրականացման ժամ - 12.08-20.09.2023թ.</p>

Հիմնական բովանդակություն

<p>Գրականության ակնարկ</p> <ul style="list-style-type: none"> <li>• Մեջբերումներ արդեն արված հետազոտություններից,</li> <li>• Մեջբերումներ գրականությունից, տեղեկության վստահելի աղբյուրներից:</li> </ul> <p><u>Պարտադիր է կատարել հղում աղբյուրին</u></p>	<p>Դպրոցական աշխարհագրության բովանդակության հիմնում ընկած են բնության և հասարակության օրենքների օբյեկտիվ իրողությունն ու հանաչելիությունը, բնության և հասարակության փոխադարձ կապը, տարածաժամանակային փոխազդեցությունները և դրանց առաջընթաց զարգացումը: Ուսումնասիրվող աշխարհագրական օբյեկտների և երևույթների փոխազդեցություններն ու զարգացումները բացահայտվում են հակադրությունների միասնության ու պայքարի, ֆանտիկական փոփոխություններից սրահակահին անցնելու, բացասման բացասման օրենքների հիման վրա: [3, 44-48]</p>
<p>Հետազոտության ընթացքը</p>	<p>Գործնական աշխատանքը կատարվել է խմբային եղանակով՝ կիրառվել է «Մտքերի ֆարտեզագրում» մեթոդը: Այս մեթոդը օգնում է աշակերտներին թեման կամ խնդիրը դասակարգել և բաղդատել մեծից մինչև փոքր խմբերի: Այսինքն՝ ներկայացնել տվյալ նյութը սրբաբանաբանությամբ, ապա ֆայլ առ ֆայլ այն մասնատել և դասակարգել: Արդյունքը ներկայացնել և բացատրել ընկերներին: Որպես գլխավոր բաղադրիչ առանձնացվում են մայրցամաքները, օվկիանոսները և աշխարհամասերը: 7-րդ դասարան, թեման - «Աշխարհագրական ֆարտեզ» թեմայի շրջանակում անցկացվել է գործնական աշխատանք, որի ընթացքում աշակերտները ներկայացնում են տեղեկություններ ֆարտեզի, դրա կիրառման, նշանակության և ֆարտեզագրական պատկերման եղանակների մասին: Դասարանը բաժանվում է 4 խմբի: Յուրաքանչյուր խմբին տրվում է փոքրիկ հետազոտություն, որի արդյունքում պետք է պարզեն, թե</p>

ինչպե՞ս են պայմանական նշանները պատկերվում  
ֆարտեզի վրա և կազմեն իրենց սեփական օրինակը:  
Արդյունքները ֆենարկվում են դասի ավարտին:

**8-րդ դասարան, թեմա - «Եվրոպա»**

Ուրվագծային ֆարտեզի վրա առակերտները պատկերում են  
Եվրոպայի ֆաղափական ֆարտեզը՝ նշելով երկրները,  
մայրաքաղաքները: Քարտեզի վրա հատուկ գծանշաններով  
առանձնացվում են տարածաբանները: Աշխատանքը  
կատարվում է անհատական սկզբունքով:

**9-րդ դասարան, թեմա - «Հայկական լեռնաշխարհի  
ջրագրական ցանցը»:**

Գործնական աշխատանքը իրականացվել է 2 փուլով:  
Առաջին փուլի ընթացքում առակերտները նախապես  
ծանոթացել են դասի նյութի հետ, մանրամասն  
ուսումնասիրել տանը և հավաքել լրացուցիչ  
տեղեկություններ ու նկարներ Հայկական լեռնաշխարհի  
գետերի, լճերի մասին: Երկրորդ փուլում աշխատանքը  
շարունակվել է դպրոցում: Առակերտները ներկայացրել են  
ջրագրական ցանցի առանձնահատկությունները, ցույց  
ավել գետերը, լճերը ֆարտեզի վրա: Այնուհետև իրենց  
հավաքած տեղեկությունները ներկայացրել են  
դասընկերներին և կատարել ընդհանուր ֆենարկում:  
Գետերի մասին տեղեկությունները և նկարները փակցրել  
են մի պլակատի, իսկ լճերինը մյուս պլակատի վրա:  
Արդյունքում գործնական աշխատանքը ստացել է  
արդյունավետ, ուսուցողական և իր մեջ ամփոփել է 3  
գլխավոր տարրեր՝ վերարտադրողական, որոնողական և  
ստեղծագործական:

Թիրախային խումբ - Կամարիսի Ա. Սիմոնյանի անվան  
միջնակարգ դպրոցի 6, 7, 8, 9-րդ դասարանների  
առակերտներ:

## Ներածություն

Գիտելիքների արագ զարգացման և նրանց մի մասի հնացման պայմաններում ուսուցման բովանդակությունը ևս կրում է համապատասխան փոփոխություններ. սովորողներին տալ հիմնարար գիտելիքներ, այն ինչ համեմատաբար կայուն է ժամանակի մեջ: Եթե սովորողը տիրապետում է սվյալ գիտության հիմունքներին և ընդունակ է սովորելու, ապա նոր իրավիճակներում նա կարող է գիտելիքների պակասը լրացնել ինքնուսուցմամբ: Չնսեմացնելով տեսական հիմնարար գիտելիքների դերը՝ կրթության մեջ մեծ կարևորություն են տալիս ուսուցման պրակտիկ ուղղվածությունը: Ուշադրություն դարձնել այն գիտելիքներին ու կարողություններին, որոնք, ենթադրվում է, որ կիրառություն կգտնեն գործնական կյանքում: Ուսուցման պրակտիկ ուղղվածությունը կարևորվում է ոչ միայն ստացած գիտելիքների մնայունության ապահովման և կենսական տարբեր իրադրություններում նրանց կիրառման տրամաբանությամբ, այլ նաև սովորողների մեջ կայուն ուսումնական մոտիվացիա ձևավորելու անհրաժեշտությամբ:

Գաղանիք չէ, որ բնական գիտությունների հանդեպ սովորողներն ակտիվ հետաքրքրություն չունեն: Դեպի պրակտիկան կողմնորոշված ուսուցումը նպատակ ունի գիտելիքները կապելով փորձերի, կյանքի հետ դրանք առավել հետաքրքիր դարձնել: Նման պարագայում սովորողը հասկանում է իր ձեռք բերած գիտելիքների կենսական նշանակությունն ու իմաստը, ասել է թե՛՝ ապահովվում է գիտելիքների իմաստավորված յուրացում: Իմաստալից, անձնային նշանակություն ստացած գիտելիքը մոտիվացիոն հզոր գործոն է և կարող է սովորողների ապագա մասնագիտական կողմնորոշման մեջ արդեն լուրջ դերակատարում ունենալ: Գործնական աշխատանքը դպրոցում բավականին մեծ դեր և նշանակություն ունի: Այսպիսի աշխատանք կատարելիս սովորողները պարզորոշ պատկերացնում են աշխատանքի նպատակը, դրա կատարման կարգը և կատարում են այն՝ առանց ուսուցչի անմիջական մասնակցության: Այն դիտարկվում է որպես ուսուցման միջոց  Գործնական աշխատանքների անցկացումն ունի մի շարք առանձնահատկություններ: Այդ առանձնահատկություններին էլ մենք կանդրադառնանք այս հետազոտության ընթացքում:

### 1. Գործնական աշխատանքի կարևորությունը

Ուսումնասիրելով մանկավարժության պատմությունը, ծանոթանալով հայ և օտար ազգերի մանկավարժների հայացքներին, առաջադրած սկզբունքներին, մեթոդաբանությանը՝ առանձնացրել ենք մի

բանխին, ովքեր ուսումնառության մեջ կարևորություն են տվել գործնական աշխատանքներին: Ժ. Ժ. Ռուսոն պահանջեց բոլոր երեխաներին տալ աշխատանքային դաստիարակություն ու նրանց նախապատրաստել աշխատանքի: Նա գտնում էր, որ հարկավոր է ուսուցման ընթացքում ուշադրություն դարձնել տեսական գիտելիքների գործնական ուղղվածությանը և զարգացնել դրանք: Թ. Մորին, Թ. Կամպանելլային, Սեն-Սիմոնը, Շ. Ֆուրյեին, Ռ. Օուենին այն կարծիքին էին, որ հիշատակարարական միջոցով կարելի է ստեղծել բավականության և արդարացիության սկզբունքների վրա հիմնված հասարակություն, սակայն ուշադրության կենտրոնում հարկավոր է պահել գործնական ուղղվածությունը: Ե. Ա. Գոլանտը, Ս. Ի. Պերովսկին ուսուցման մեթոդները դասակարգել են երեք խմբերում՝ խոսքային, զննական և գործնական: Դասակարգելիս հիմք են ընդունել ինֆորմացիայի ըմբռնման բնույթը:

Մ. Սկատսկինը և Ի. Յա. Լերները հիմք ընդունելով կրթության բովանդակության յուրացման մեջ սովորողների իմացական հնարավոր բնույթը, առանձնացրել են ուսուցման հետևյալ մեթոդները՝ բացատրական-ցուցադրական, ինֆորմացիոն-նեցեպտիվ, վերարտադրողական, պրոբլեմային շարադրանք, մասնակի արոնողական կամ էվրիստիկական և հետազոտական:

Ուսուցչի կարևորագույն գործառույթը սովորողների ուսուցման, դաստիարակության և զարգացման գործընթացները մանկավարժներն կառավարելն է՝ հաշվի առնելով նրանց հոգեբանական, տարիքային առանձնահատկություններն ու ընդունակությունները, զարգացման մակարդակը, կրթական կարիքները՝ ստեղծելով համապատասխան մանկավարժական պայմաններ: Մանկավարժական գործընթացի կառավարումը նախևառաջ սկսվում է նպատակի առաջադրումից, սովորողների ֆիզիկական և հոգեկան առանձնահատկությունների հաշվառումից, առանց որոնց հնարավոր չէ արդյունավետորեն իրականացնել մանկավարժական գործընթացը: Մանկավարժական գործընթացի արդյունավետ իրականացման համար կարևոր են նաև մանկավարժական հայտորոշումը և արդյունքների կանխատեսումները, որոնք ուսուցչին տալիս են մեկ քայլ առաջ տեսնելու, սեփական գործունեության արդյունքները նախագծելու հնարավորություն, տեսականը վերածելու գործնականի:

Գործնական աշխատանքների կազմակերպումն ու անցկացումը պահանջում է հատուկ մոտեցում: Այդ պատճառով անհրաժեշտ է մանրամասն մշակել դասի պլանը, որոշել գործնական աշխատանքի տեղը դասի ընթացքում, բովանդակությունը, դրա կազմակերպման ձևերն ու մեթոդները: Միայն այս դեպքում աշխատանքը արդյունավետ կընթանա: Ընդ որում, մանկավարժը պետք է նախատեսի աշխատանքի բարդության մակարդակը, ծավալը, հնարավոր սխալները, դժվարությունները, որոնք կարող են ծագել երեխաների մոտ՝ այդ աշխատանքի կատարման ընթացքում: Աշխատանքի կազմակերպման ընթացքում անհրաժեշտ է մտորել նաև սովորողներին ցուցաբերվող օգնության և ստուգման ձևերի մասին: Հատկապես տարրական

դասարաններում գործնական աշխատանքի կազմակերպման նպատակով անհրաժեշտ է կիրառել բազմազան մեթոդական երաշխավորություններ , հուշաթերթիկներ: Դրանք նպաստում են արագ յուրացնել գործողությունների որոշակի հաջորդականություն կատարելու և սելիական գործունեությունը կազմակերպելու համար անհրաժեշտ կարողությունները: Աշխատելու կարողությունները մշակվում են նպատակաուղղված վարժությունների և աստիճանաբար բարդացող առաջադրանքների միջոցով: Մինչ գործնական աշխատանքի համար առաջադրանքներ տալը, այդ առաջադրանքների տեսակները յուրացվում են նախապես ուսուցչի հետ միասին կատարվող աշխատանքների միջոցով: Այնուհետև առաջադրանքների այս կամ այն մասը կատարում են աշակերտները, և , վերջապես, նրանք հնարավորություն են ստանում ամբողջ առաջադրանքը կատարել ինքնուրույն: Ուսուցիչը պետք է որոշի առաջադրանքների տեսակը, դրա տեղը դասի ընթացքում, բացատրի նպատակը և կատարման փայլերի հաջորդականությունը, հետևի սովորողների աշխատանքին՝ անհրաժեշտության դեպքում ցուցաբերելով օգնություն առանձին աշակերտներին: Աշխատանքի ստուգումը ևս կատարվում է ուսուցչի ղեկավարությամբ:

Վերջինս արդյունքների ֆինալիզմանը մասնակից է դարձնում ամբողջ դասարանին: [1, 54-58]

## 2. Գործնական աշխատանքի կարևորությունը որպես ձևավորող գնահատում

Գործնական աշխատանքները կիրառվում են բոլոր ուսումնական առարկաների շրջանակներում՝ անպայմանորեն կառուցելով առարկայի չափելի վերջնարդյունքների վրա, ինչն էլ պայմանավորվում է առաջադրանքի և աշխատանքի տեսակի ընտրությունը: Գործնական աշխատանքները բազմազան են. պաստառի ձևավորումից մինչև էֆուրիաների ընթացքում ձեռք բերած գիտելիքների, տեսածի, լսածի ներկայացում ամենատարբեր միջոցներով, որը կարող է լինել պաստառ, սահիկ և այլն:

Գործնական աշխատանքները կարող են իրականացնել ինչպես անհատապես, այնպես էլ խմբերով, ինչպես դպրոցում, այնպես էլ տանը: Առաջադրանքների ծավալը պլանավորելու համար, անհրաժեշտ է հաշվի առնել սովորողների աշխատանքի տեմպը: Ժամանակը ճիշտ կազմակերպելու համար պետք է նախապես կատարել ինֆուրույն աշխատանքի համար պլանավորված առաջադրանքը: Այդ դեպքում մենք առաջադրանքի կատարման համար ուսուցչի կողմի ծախսված ժամանակը անհրաժեշտ է բազմապատկել երեքով, հենց հատկապես այդքան բույն է անհրաժեշտ առաջադրանքի կատարման համար: Առաջադրանքի կատարման ընթացքում ուսուցիչը կարող է հասկանալ, թե ինչ տարբեր կարող են արգելակել կամ արագացնել սովորողների աշխատանքը: Առաջադրանքները պետք է ընտրել այնպես, որ նպաստեն դրանց նկատմամբ հետաքրքրության զարգացմանը: Սովորաբար, աշակերտները ոչ միաժամանակ են ավարտում գործնական աշխատանքը, եթե , իհարկե, աշխատանքն ունի անհատական բնույթ: Գործնական աշխատանքների համար առաջադրանքներ ընտրելիս անհրաժեշտ է հաշվի առնել, որ գիտելիքների, կարողությունների և



հմտությունների յուրացման գործընթացում սովորողներից պահանջում է տարբեր ժամանակահատված: Այդ պատճառով նպատակահարմար է նախապես պատրաստել առաջադրանքներ, լրացուցիչ առաջադրանքներ՝ արագ աշխատող աշակերտների համար: Դժվար է ընտրել այնպիսի առաջադրանքներ, որոնք համապատասխանում են բոլոր աշակերտների ներուժին: Եթե առաջադրվում է պարզ, միատիպ վարժություններ, օրինակ՝ բազմապատկման կամ բաժանման, ապա առաջադրանքների տարբերակումը կարգավորվում է ծավալով: Առավել դժվար է, օրինակ ընտրել յուրաքանչյուր աշակերտի ներուժի համապատասխան առաջադրանքներ: Այդ պատճառով նպատակահարմար է առաջադրել տարբերակված առաջադրանքներ՝ հաշվի առնելով սովորողների առանձին խմբերի ներուժը: Սակայն պետք է նշել, որ ըստ բարդության աստիճանի տարբեր առաջադրանքներ ընտրելը բավականին բարդ է: [5, 36-37] Ընտրել հեշտ առաջադրանք, որը համապատասխանում է թույլ աշակերտի ներուժին, դժվար չէ: Բայց այստեղ մի մեծ վտանգ է թաքնված: Եթե թույլ կարողություններ ունեցող աշակերտը դասից դաս անընդհատ դյուրին աշխատանք կատարի նույն պահանջով, ապա այդպես կարող ենք խորացնել նրա զարգացման հետ կապված խնդիրները: Այդ պատճառով այնպիսի սովորողների համար ֆանաչողական առաջադրանքների ընտրության ընթացքում ուսուցիչն իր առջև նպատակ է է դնում: Սկզբում աշխատանքում ներառել պարզ առաջադրանքներ, ապա աստիճանաբար յուրացման համար ներմուծել առավել բարդ նյութեր: Գործնական աշխատանքի համար ցանկալի է առաջադրել այնպիսի առաջադրանքներ, որոնց կատարման համար կպահանջվի գիտելիքների կիրառում նոր իրավիճակներում: Միայն այդ դեպքում գործնական աշխատանքը կնպաստի սովորողների ֆանաչողական ունակությունների ձևավորմանը և նախաձեռնողականության դրսևորմանը: Գործնական աշխատանքը կազմելիս ցանկալի է, որ նախատեսվող առաջադրանքները հետաքրքրեն սովորողներին: Առաջադրանքների բովանդակությունը պետք է մատչելի լինի աշակերտին, հենված լինի երեխաների կենսավորձի վրա, բայց միևնույն ժամանակ գտնվի նրանց զարգացման «մերձակա գոտում», պարունակի որոշակի դժվարություն, որը երեխան կարող է հաղթահարել: Յուրաքանչյուր թեմայի շուրջ առաջադրանքների ընտրության ընթացքում պետք է հատուկ ուշադրություն դարձնել հասկացության բոլոր հատկանիշների բազմակողմանիորեն ամրապնդմանը, հստակ առանձնացնել այն կարողություններն ու հմտությունները, որոնք անհրաժեշտ է ձևակերպել և ամրապնդել: [2, 36-398 Պատահականության բացառումը նպաստում է դասի արդյունավետության բարձրացմանը: Առաջադրանքների համակարգը պետք է կազմակերպել փուլ առ փուլ: Անհրաժեշտ է սկսել տիպային առաջադրանքներից, մանրամասն բացատրել դրանց լուծման մեթոդները: Ընդ որում աշակերտներին պետք է առաջարկել գործողություններ կատարել ըստ օրինակի: Այնուհետև անհրաժեշտ է առաջադրել նույնատիպ առաջադրանքներ: Հետո կարելի է առաջարկել առաջադրանքներ՝ չափազանց համառոտ հրահանգ տալով: Վերջին փուլում անհրաժեշտ է առաջարկել առաջադրանքներ ամբողջովին ինքնուրույն կատարման համար: Այս փուլում նպատակահարմար է սովորողներին առաջարկել ստեղծագործական բնույթի առաջադրանքներ:

Գնահատման մասին խոսելիս պետք է հաշվի առնել հանրակրթության պետական նոր չափորոշյով նախասահմանված ուսումնառության արդյունքների գնահատման սկզբունքները. պետական չափորոշիչը ձևավորող հանրակրթական հիմնական ծրագրերի բաղադրիչներինց մեկն էլ սովորողների գնահատման ձևերն են: Ինչպես գիտենք՝ հանրակրթական դպրոցներում ընթացիկ գնահատումն իրականացվում է 2 եղանակով՝ ֆանակական /միավորային/ և ձևավորող/ուսուցանող/:

Ձևավորող գնահատումը ուսումնական գործընթացում ուսուցիչների և սովորողների համատեղ գործունեություն է, որի ընթացքում դիտարկվում են յուրաքանչյուր սովորողի ուսումնառության ընթացիկ արդյունքները, խնդիրներն ու դժվարությունները, այնուհետև՝ հենվելով սովորողի մտածողության տեսակի, ուսումնառության սնի վրա՝ մշակվում են դրանք բարելավելու, հաղթահարելու ուղիներ: [4, 56-58]

Ձևավորող գնահատումը ուսուցչին թույլ է տալիս.

- հստակ ձևակերպել յուրաքանչյուր կոնկրետ դեպքում գնահատվելիք կրթական արդյունքը և կազմակերպել իրենց աշխատանքը դրան համապատասխան
- աշակերտին դարձնել ուսումնական և գնահատման գործունեության առարկա
- կարող է օգնել սովորել սխալներից
- կարող է օգնել հասկանալու, թե ինչն է կարևոր
- կարող է օգնել հասկանալ, թե ինչ են անում
- կարող է օգնել բացահայտել այն, ինչ նրանք չգիտեն
- կարող է օգնել բացահայտել այն, ինչ նրանք չեն կարող անել

Ձևավորող գնահատումը հիմնված է չափանիշների և հեռանիշների վրա: Չափանիշների վրա հիմնված գնահատման համակարգը պետք է հնարավորություն տա որոշել, թե որքանով է հաջողությամբ յուրացվել որոշակի ուսումնական նյութ, որոշել, թե արդյոք ձևավորվել է որոշակի գործնական հմտություն, ստուգեք սովորողի ձեռք բերած մակարդակը, որը դրված է ուսումնական առաջադրանքում:

Ժամանակակից մանկավարժությունը ձևավորող գնահատումը համարում է սովորողներին տրամադրվող տեղեկատվական հետադարձ կապ, այն կիրառվում է ամբողջ դասընթացի ընթացքում՝ շարունակաբար ստուգելով՝ արդյո՞ք ուսումնառություն էղե՞լ է, թե՞ ոչ: Եթե այո՝ ապա ի՞նչը/ինչե՞րն են նպաստել դրան: Եթե ոչ՝ ինչն՞ է և ինպե՞ս պետք է կազմակերպվի վերաուսուցումը:

Ինչպես նշվեց՝ նոր հաշ-ի գնահատման համակարգում առանձնահատուկ կարևորություն է արվում ձևավորող գնահատմանը, հետևաբար՝ մեծ թափով ուսումնասիրվում և առաջարկություններ են արվում այս բնագավառում: Այդ նպատակով ԿԶՆԱԿ-ը ուսումնասիրել և ուսուցչի սեղանին է ներկայացնում գնահատման հետևյալ բաղադրիչները և բազմատեսակ սանդղակներ՝ տարատեսակ կարողություններ գնահատելու համար: [1, 30-36]

Հստ ԿԶՆԱԿ-ի մասնագետների՝ ձևավորող գնահատումը ուսուցչի կողմից գնահատման 5 բաղադրիչների պլանավորված և պարբերական օգտագործումն է ամենօրյա աշխատանքում:

1. Ուսուցչի կողմից արդյունավետ հետադարձ կապի ապահովում:
2. Սովորողների ակտիվ մասնակցություն սեփական ուսումնառության գործընթացին:
3. Ուսուցման գործընթացի նեգրում և շտկում՝ հաշվի առնելով գնահատման արդյունքները:
4. Գնահատման՝ սովորողների մոտիվացիայի և ինքնագնահատականի վրա խորհային ազդեցության գիտակցում, որն իր հերթին կարևոր ազդեցություն ունի ուսուցման արդյունավետության վրա:
5. Սովորողների կողմից իրենց գիտելիքները ինքնուրույն գնահատելու ունակության ձևավորում:

### **3. Աշխարհագրության դասավանդման գործում նրա կարևորությունը և անհրաժեշտությունը**

Աշխարհագրությունը բոլոր երկրների դպրոցների առանցքային հանրակրթական առարկաներից է և պատճառ տեղ է գրավում ուսումնական ծրագրերում: «Աշխարհագրություն» դպրոցական առարկայի նպատակն է սովորողների մեջ ձևավորել նվազագույն աշխարհագրական և ֆարտեզագրական մեակույթ, որն անհրաժեշտ է լիարժեք ֆողաֆացու համար՝ անկախ ապագա մասնագիտությունից ու գործունեության ոլորտից: Դպրոցական աշխարհագրությունն ունի կրթական և դաստիարակչական բացառիկ նշանակություն: Այն դպրոցական մյուս դասընթացների հետ միասին իրականացնելով ընդհանուր խնդիրներ, ունի նաև եզակի գործառույթ: Աշխարհագրությունը հանրակրթական միակ առարկան է, որ տալիս է Երկրի՝ որպես մարդկության մոլորակի և նրա վրա մարդկային հասարակության տարածքային կազմակերպման մասին անմիջական պատկերացում: Դա պայմանավորված է գիտական գիտելիքների համակարգում աշխարհագրության տեղի և ներքին կառուցվածքի յուրօրինակությամբ: Գործ ունենալով ինչպես բնական պայմանների, այնպես էլ հասարակական օբյեկտների ու երևույթների հետ՝ աշխարհագրությունը գտնվելով բնագիտական, տեխնիկական և հասարակ- 4 կազմակերպական գիտությունների շփման հատվածում, սերտորեն փոխկապված է դրանց հետ: Հանրահայտ է աշխարհագրության՝ որպես հանրակրթական դպրոցի հիմնական առարկայի աշխարհայացքային և համամեակությամբ դերը: Աշխարհագրությունն է, որ Երկրի վրա ընթացող բնական և հասարակական երևույթների զարգացման օբյեկտիվ օրենքների ու օրինաչափությունների օրինակով ձևավորում է սովորողների մատերիալիստական աշխարհայացք, երևույթների միջև եղած կապերի պատճառականության և աշխարհի միասնականության համոզմունք: Աշխարհագրությունն է, որ արդի աշխարհը իր զարգացման օրինաչափություններով և օրեցօր բարդացող հիմնախնդիրներով ֆանաչելի է

դարձնում սովորողին, ծանոթացնում է նրան տարբեր երկրների բնությանը, բնակչությանն ու սնտեսությանը, տարբեր ժողովուրդների սովորություններին, նյութական ու հոգևոր մշակույթին: Աշխարհագրությունն է, որ սովորողին մղում է հանաչելու սեփական հայրենիքը, հասկանալու և գնահատելու նրա տեղն ու դերը հարավսլավոն աշխարհում, ընկալելու այն փոխադարձ կապերի բնույթն ու առանձնահատկությունները, որոնք գոյություն ունեն մի կողմից՝ մարդու և շրջակա միջավայրի, մյուս կողմից՝ Հայաստանի և նրա հեռու ու մոտիկ հարևանների միջև, և դրանով իսկ նպաստում է նրա ինչպես ընդհանուր կուլտուրական մակարդակի բարձրացմանը, այնպես էլ էկոլոգիական կուլտուրայի ու ֆաղափական կուլտուրայի ձևավորմանը: Աշխարհագրությունը երիտասարդ սերնդի կրթության ու դաստիարակության գործընթացում աշխարհայացֆային և ընդհանուր մշակութային կարևոր դերակատարում ունենալուց բացի, կոչված է սովորողին հաղորդելու նաև կիրառական նշանակության գիտելիքներ ու հմտություններ:

Դրանցից առավել կարևորներն են՝

1. յուրահատուկ միջազգային լեզվի՝ աշխարհագրական ֆարտեզից օգտվելու, ինչպես նաև պարզունակ ֆարտեզ-սխեմայի (տեղանքի հատակագծի) կազմման կարողություն,

2. տարբեր երկրներում ու միջազգային ասպարեզում առկա բնական և հասարակական երևույթների մասին բազմապիսի աղբյուրներից ստացվող տեղեկատվության ամբողջացման ու համակարգման կարողություն,

3. տեղանքում կողմնորոշվելու, բնության մեջ դիտարկումներ և չափումներ կատարելու կարողություն,

4. ժողովրդագրական և սնտեսական վիճակագրական տվյալների հետ աշխատելու կարողություն:

5. Աշխարհագրական տեղեկատվական համակարգից(GIS) և ժամանակակից տեղեկատվական տեխնոլոգիաներից օգտվելու տարրական կարողություն: Այդ ամենի հետ մեկտեղ աշխարհագրությունը միակ դպրոցական առարկան է, որը նախնական պատկերացում է տալիս նաև աշխարհագրական գիտությանը հարակից մի շարք գիտությունների հիմունքների մասին, որոնց հատուկ ուսումնասիրությունը ինֆորմայն առարկայի ձևով չի մտնում հանրակրթության բովանդակության մեջ: Դրանք են՝ Երկրի մասին գիտությունները, մասնավորապես երկրաբանությունը և երկրաֆիզիկան, իսկ հասարակական գիտություններից՝ սնտեսագիտությունը, սոցիոլոգիան և ժողովրդագրությունը: Դպրոցական աշխարհագրության կարևորագույն խնդիրներից է սովորողների աշխարհագրական մտածողության ձևավորումը:[3, 40-45]

Գործնական աշխատանքը ընթացիկ գնահատման արդյունավետ տեսակներից է Հանրակրթության պետական նոր չափորոշյալ սահմանված 8 առանցքային կարողունակությունների զարգացումն ապահովելու համար:

Գործնական աշխատանքներ կիրառվում են բոլոր ուսումնական առարկաների շրջանակում՝ անպայմանորեն կառուցելով առարկայի չափելի վերջնարդյունքների վրա, ինչն էլ պայմանավորում է առաջադրանքի և աշխատանքի տեսակի ընտրությունը:

Գործնական աշխատանքների դասակարգման հիմքում դրվում է սովորողի գործունեության ձևը, և ըստ այդմ գործնական աշխատանքները բաժանվում են 3 խմբի՝

- վերարտադրողական, որոնք հնարավորություն են տալիս ցուցադրելու՝ ինչ է սովորել և ինչ է կարողանում անել սովորողը (օրինակ՝ ֆարսեզի վրա ցույց տալ ֆաղափներ, գետեր, լճեր և այլն),
- մասամբ որոնողական, երբ սովորողը պետք է ոչ միայն ցույց տա՝ ինչ է սովորել և ինչ է կարողանում, այլև կատարի լրացումներ, լուծի իրեն առաջադրված խնդիրը (օրինակ՝ տրված տեղանունները, գետերը, լճերը և այլն պայմանական նշաններով պատկերել ֆարսեզի վրա),
- ստեղծագործական, երբ սովորողը ինքը պետք է ինֆորմալ կամ խմբի անդամների հետ լուծում գտնի առաջադրված խնդրի համար՝ ցուցադրելով կարողունակությունների զարգացման որոշակի մակարդակ (օրինակ՝ կազմել տեղանքի ֆարսեզը, ինչի համար սովորողը պետք է դրսևորի ոչ միայն մեկ, այլ մի քանի առարկաների, այլև վերառարկայական հմտություններ):


Վերաբերյալից արդեն պարզ է դառնում, որ գործնական աշխատանքները բազմազան են՝ պաստառի ձևավորումից մինչև էֆսկուրսիայի ընթացքում տեսածի ու լսածի ներկայացումն աղյուսակի, ֆիլմի, ակնարկի տեսքով, երգի հորինումից մինչև նախագծի իրականացում, արդյունքների ներկայացումն ու կիրառում:

<p>Վերահանված արդյունքներ, եզրակացություններ, պատասխան հետազոտական հարցին</p>	<p>Ձևավորող գնահատումը տեղեկատվություն հավաքելու անընդհատ գործընթաց է ուսուցման ընթացիկ, ուժեղ և թույլ կողմերի վերաբերյալ, որն օգնում է ուսուցչին վերանայել դասընթացի պլանավորումը և իր կարծիքն է հայտնում սովորողի առաջադիմության մասին: Երբեմն ձևավորող գնահատումը կիրառվում է լայն խմաստով՝ ներառելով հարցաթերթիկներից և խորհրդատվություններից</p>
---	---

	<p>բաղված ֆանակական առումով չփոփոխվող տեղեկատվությունը:</p> <p>Ձևավորող գնահատման ուժեղ կողմն այն է, որ նպաստում է ուսուցման բարելավմանը, իսկ թույլ կողմն այն է, որ կախված է պատասխան արձագանքի բնույթից:</p>
<p>Այլ տեղեկատվություն</p>	<p>Աշխարհագրական գիտելիքների շնորհիվ ամրապնդվում է այն համոզմունքը, որ աշխարհը հանաչելի է, նյութական, միասնական, ամբողջական, բնության ու հասարակական կյանքի բաղադրիչները գտնվում են սերտ կապի մեջ, այդ բաղադրիչները առանձին-առանձին ու միասնաբար անընդհատ զարգանում և փոփոխվում են ժամանակի և տարածության մեջ:</p>

Օգտագործված գրականության ցանկ

- 1.Թադևոսյան Գ., Որակական սոցիալական հետազոտություններ, Երևան 2006թ.
- 2.Ասատրյան Լ., Հակոբյան Գ., Մանկավարժական հետազոտությունների մեթոդաբանություն, Երևան 2011թ.
- 3.Հանրակրթության պետական կրթակարգ, միջնակարգ կրթության պետական չափաբուխ, Երևան 2004թ.
- 4.Ա. Հովսեփյան, Գ. Հովհաննիսյան, Աշխարհագրություն, 7-8-րդ դասարանի ուսուցչի ձեռնարկ, Երևան 2013թ.
- 5.Краевский, В. В. Методология педагогического исследования: Пособие для педагогаисследователя / В. В. Краевский. – Самара, 2003

<p>Հաշվետվության կցված նյութեր</p> <ul style="list-style-type: none"> <li>• Հետազոտության գործիքներ (Ուրբաթերթիկներ կամ այլ)</li> <li>• Նկարներ</li> <li>• Արդյունքներ</li> </ul>	
---	--



